

華全國風俗志 上篇卷二

河南

記稱廣谷大川。異制民生。其間異俗。風俗之不同。由來久矣。班固謂剛柔緩急。音聲不同。繫水土之風氣。故謂之風。好惡取舍。動靜無常。隨君上之情欲。故謂之俗。然則風俗者。固山川地氣使然。亦主治者之好尚。實有以轉移之歟。豫省居土之中。受氣之正。其天性樸茂。殆所謂難動以非。易感以義者乎。然古太師陳詩。以觀民風。而十五國風。豫居其半。漢書地理志。周魏韓趙宋衛楚之地。豫皆有焉。其間習俗風尚。固亦有不同者。亦採風問俗者。所當習知之也。

● 開封

魏魏之墟。人多俊髦。好儒雅。雜以遊豫。有魏公子之風。難動以非。易感以義。漢地理志地居土中。物受正氣。其人性而才慧。其地產厚而類繁。杜氏通典魏俗剛強。玉海地為四戰。真俗有武。人具五都。其氣習豪。唐劉禹錫汴州刺史題壁記重禮義。勤耕紉。宋地理志俗尊年齒。學尚

02

經術。寰宇記

物產富饒。習俗侈靡。

方輿勝覽

好祭祀。用史巫。

漢地理志

舊俗剛毅。里多壯士。任

俠尚氣。聞義則畏。

甲第星羅。

並宋揚侃皇畿賦

比屋農桑。

唐詩

士以節義自重。而羞干謁。民

以敦睦爲良。而恥告訐。平原修野。故其人坦易。巨濬大河。故其人結博。

並祥符縣志

● 歸德

睢陽古郡。猶有先王遺風。重厚多君子。好稼穡。惡衣服。以致畜藏。漢地理志重禮文。其風

不變於古。隋地理志

人皆有忠義之風。其本於張巡許遠之表倡。

集異聞

人情朴厚。俗有儒

學。杜氏通典

習俗淳厚。喜勤尚質。

元地理志

重本而輕末。賤釋而貴儒。

郡志

其俗激昂而奮厲。山堂

索觀其英豪之域。冠蓋相望。元勳雋老。五姓寶昌。杜正獻趙康靖王文忠蔡敏肅張文正寓睢陽者凡五族其原

野則田疇彌望。不可計數。浸以躍漁之源。被以沃壤之土。舉趾卽雲。荷鋤適雨。美

哉。邈乎土地之沃。人物之夥也。並宋王仲夷南都賦

● 彰德

魏郡鄴都。浮巧成俗。雕刻之工。特云精妙。士女被服。咸以奢麗相高。其性所尚。習得

京洛之風。隋地理志物背窳而就工。不鬻邪而豫賈。晉左思魏都賦魏地狹隘。其俗儉嗇而褊急。

詩注俗陶淳。古之風尚。英雄之習。地險人豪。民淳事簡。並圖經朴厚肅和。人皆君子。有

古遜畔寢刑之風。方輿勝覽土狹人稀。習尚淳厚。雅重儒術。而耕鑿其勤。民知立本。而

羞爭訟。士多務學。而厭浮靡。郡志其俗勁悍勇毅。崔銑論人民淳朴。俗尚禮義。而務耕桑。

有廉藺遺風。武安縣志

### ● 衛輝

季札聞衛歌曰。美哉淵乎。憂而不困者也。吾聞衛康叔武公之德如是。是其衛風乎。

左傳衛多君子。史記周末有子路夏育。民人慕之。故其俗剛武。上氣力。剛強多豪傑。漢俱

地理志重誼疎財。有先王遺風。輿地志民情頗事商賈。地饒俗淳。勤於播種。孝弟之行。有

聞於時。元地理志性緩尚儒。仗氣任俠。文獻通考其俗纖儉習事。漢貨殖傳地濱大河。故其人氣浮

故其人質柔。故其人心惰。詩衛風註人知向學。彬彬有文。續郡志土地饒美。物產阜盛。宋龐文學

碑記山水明秀。人民殷富。睿聖武公之遺澤存焉。人人知勸爲善。而恥爲不善。並元程大

本元聖廟門記

士民敦尚節行

元王公孺殷太師忠烈公廟碑

男尚節介女多勁烈有共姜之風

輝縣志

● 懷慶

其地險要富實其俗朴野易治服寇恂平易之化熙熙向風不靡不暴

漢地理志風土得

四方之正是以習俗好尚奢儉得中薰染許魯齋道學之化皆好性理崇禮義

地理志

民多敦本好學

河內縣志

力耕桑而鄙販鬻尚清談而多壽考

郡志其地負山面河士曠

民淳

劉健文廟記

男耕女織村落連延頗尚節儉之風自得恬熙之樂

修武縣志

● 河南

氣稟中和

周禮記

季扎聞歌周南召南曰美哉始基之矣猶未也然勤而不怨矣

左傳南亦豫州之域豫之言舒也言稟平和之氣性理安舒也洛陽得土之中故周公作

洛此焉攸本

其俗尚商賈機巧成俗故漢志云周人之失巧僞趨利賤義貴財此

亦自古然矣

隋地理志

忠義疊見

宋邵氏附見錄

郁郁刑河

豫州節注

士嚮詩書民習禮義務本立業

有周召遺風

宋志表

性行淳朴不事華侈

一統志

洛陽占多士風俗猶爾雅

宋蘇軾詩其俗和

柔而寬緩。山堂考索周人善賈趨利而纖膏。杜氏通典女修織紉男務耕耘器用陶匏服尚素元恥纖靡而不服賤奇麗而弗珍。漢班固東都賦

●南都

夏人忠朴有先王遺風。史記尙氣力好商賈去末歸本羣以殷富。並漢地理志南陽古帝鄉縉紳所出。隋地理志南陽被召父黃韓之化易商賈爲本業轉爭訟爲篤厚。玉海淳朴尙農士皆爲道德性命之學。並元地理志俗有武斷之風人勤農桑之務。方輿勝覽土沃俗淳民知向學。元王睿鄧州學記過質少文。舊郡志土地之廣衍人物之繁盛產育之豐腴風土之淳質。楊應奎南陽府碑記人尙淳朴少夸詐。郡志務稼重禮人多壽考。裕州志古稱淳厚敦尙詩書專務耕桑有東漢遺習。方輿勝覽

●汝寧

汝穎多奇士。史記其俗剽輕易發怒地寡薄於積聚。史記汝南之俗皆急疾有氣勢。漢地理志人性躁勁風氣果決尙淳質好儉約喪祭婚姻率漸於禮。並隋志人性清和鄉閭孝

友。男務墜闢。女修織紉。士風習尚。文質彬彬。宋地理志多事農桑。不尚華麗。信陽志習尚儉

素。士風淳篤。猶有申伯遺俗。元和志汝寧在汝墳之間。文王化行之地。人重信義。士尚

質。文性情質直。禮義疎簡。並郡志慷慨而尚氣節。文雅而多學問。好品藻。喜譏評。有

許邵之遺風焉。並汝陽縣志

● 汝州

士尚端慤。民甘勤勞。有巢由清節之風。方輿勝覽伊川遊宦之邦。道學漸濡者衆。舊總志士

為道德性命之學。民有絲絹細絕之富。風土志墾田頗廣。民多財富。亦由儉嗇而然。宋地

志。民性淳厚。而少夸詐。俗頗儉約。而尚耕織。郡志農務稼穡。士風淡薄。伊洛遺風。尚有

存焉。伊陽志山川清遠。土壤膏腴。得天地中和之氣為多。故古今人物。知名於時者。前

後間出。宋令狐相如讀書卷記民物阜康。禮讓興行。汝民庶幾古俗矣。謝遷撰沈侯去思碑

● 陳州

重禮義。勤耕耘。宋地理志崇祭祀。多尚史巫。通志高節義。尚廉恥。重喪葬。謹婚姻。俗為近古。

●許州

士風端愿。民俗勤勞。推誠相接。恥狙詐。風土記好尙稼穡。重於禮義。其俗近古。隋書民淳

訟簡。土厚水甘。務本業。不習末作。卽遇凶荒。甯死不棄鄉井。襄城志潁川人尙忠。其弊

朴野。長葛志篤厚善學。重賢敬賓。士女勤朴。不務華飾。疾病多尙鬼信巫。臨潁志

●禹州

俗尙樸魯。稱謹愿。有唐魏遺風。州志陘隗環拱。溱洧襟帶。風藏氣聚。世多君子。地理志崇

儉抑侈。教誨藝殖。東里氏遺澤未替。新鄭志居萬山之中。俗淳樸。重義急公。密縣志

●鄭州

季札聞鄭之樂曰。美哉。其細已甚。民弗堪也。左傳好稼穡。習禮文。士風都雅。隋書習淳尙

賢。漢地理志氣質冲和。有忠厚禮讓之風。無狙詐橫爭之習。汜水志

●陝州

秦晉之間染其餘波。靈寶志 民安生業。陝州甘肅記 好訟而負氣。不忍隳黜。小忿。閩鄉志 民尚豪俠。士敦禮讓。

●光州

美風淳。異材秀。民業儒術。以自見於世。州志 士尚名教。禮崇儉約。古意未漓。光山志

少長安於朴。俗安食給於田蠶。男女婚嫁。養生送死。質而有節。元馬祖常志 俗好禮祥。

星之分。其性輕揚。江淮之交。其風躁動。固始志

豫居四方之中。其風土之剛柔。習俗之淳漓。服食器用之奢儉。較之鄰省。差得其中。

近其地者。率染其俗。勢使然也。然亦有習尚不異者。如元日祀先。卑幼以次拜尊長。

祭隣交賀。上元張燈。清明日拜墓。插柳於門。端陽日戴艾虎。食角黍。飲雄黃蒲酒。以

線繫小兒腕。六月六日曝衣。七夕乞巧。十月一日拜墓。焚寒衣。農民報賽。除日易

衣。法厚。有男女守歲。在在然矣。至於祭必四代。祀以仲月。婚不論財產。葬不飯僧。

一。幾十次。亦行之。餘不盡然也。



▲江蘇

江南本勾吳舊俗。左思所謂率土論都。獨端委所彰。高節所興者也。漢書地理志。以爲東海淮泗之間屬魯。沛楚山陽屬宋。其民有聖人之教化。近先王之遺風。又以爲吳粵與楚接比。數相并兼。其俗略同。蓋其文辭之失巧。與嵒窳不求。積聚者自古已然。然風俗者。教化之所移易。非獨其水土之性殊。氣習之所尚不同也。吳中君子尚禮。庸庶敦龐。風俗澄清。而道教隆洽。史冊所傳聞者。庶幾徵信於今茲矣。

●江甯

君子勤禮恭謹。小人盡力耕殖。詳符圖經其人士習王謝之遺風。以文章取功名者甚衆。沈立金陵記南方水土柔和。其音清舉。顏介永嘉以後。衣冠萃止。文藝儒術。於斯爲盛。通俗英且毅。士清以邁。地大而才傑。宋楊萬里風流文物。冠曠古今。汪藻建業自六代爲都邑。民物浩繁。人材輩出。實士林之淵藪。楊演山川渾深。土壤不厚。華而不佻。淳而不俚。戚氏

志

生人之性。充朗冲融。重義而薄利。風俗之美。喜藝而厭凡鄙。鄉鄰婚喪。貧乏者

互相扶助之。金陵文獻之邦。以故寰宇推爲奧區。士林重其清議。彈射藏否。剖析

毫釐。擘肌分理者。至今猶然。俱舊志

● 蘇州

因士類顯名於歷代。而人尙文。因僧徒倡法於羣山。而人尙佛。漢第五倫傳 泰伯遜天下。

季札辭通國。德之所化者遠矣。更歷漢晉以來。風俗清美。俗多祠宇。舊志 山擇多藏

育。風土清且嘉。泰伯導仁風。仲雍揚其波。晉陸機詩 郊無曠土。多勤少儉。吳郡志 君子尙禮。

庸庶淳戾。隋書 當趙宋時。俗益丕變。有胡安定范文正之遺風焉。及後禮義漸摩。而前

輩名德。以身率先。又皆以文章振動。今後生文詞。動師古昔。而不桡於專經之陋。矜

名節。重清議。下至布衣韋帶之士。皆能摛章染墨。其格甚美。惟夫奢侈之習。未能盡

革。舊志

● 松江

文物衣冠。蔚爲東南之望。經學詞章。以至書翰。咸有師法。志府吳中族姓之盛。自東漢以來。有聞於世。逮魏晉而後。彬彬輩出。左太冲所謂高門鼎貴。魁岸豪傑。虞魏之昆。顧隆之裔。居於華亭者爲最著。故士奢於學。民興於仁。宋魏了翁記儒官翼翼。不異鄒魯。元趙孟頫四方名流彙萃於此。薰陶漸染之功爲多。何良俊負海沈江。水環山拱。自成一都會。民生其間。多秀而敏。其習尚亦各有所宗。以至田野小民。皆知以教子孫讀書爲事。土膏沃饒。風俗淳秀。俱舊志

### ●常州

人性佶直。黎庶淳遜。敏於習文。疎於用武。寰宇記建自秦伯。宣於延陵。高節所興。由克遜以立風俗。左思賦穎異之材。挺生此邦。風俗記地偏俗儉。宋蘇軾卜居記縣人學子。知所向慕。朱子宜興學志能振頽風。以激衰俗。非好賢樂善。未易能爾。府志人秀而文。葛郟賁院記不事浮華。少爲商賈。耕稼自給。士尚儒術。縉紳代不乏人。男子不遠遊。女子不交易。士夫不衣文繡。不乘輿馬。俗多尙吟咏。舊志士大夫皆知繩趨尺步。納身軌物。以爲士民標準。與宜

● 鎮江

本泰伯之化。有謙讓之風。舊經其禮遜謙謹。婚嫁喪葬。雜用周漢之禮。晉書士大夫

崇靜遠。貴氣節。民庶循禮樂業。而不好競。嘉定人性柔慧。尚浮屠。而少積聚。宋志土風

質而厚。士風淳而直。咸淳士習詩書。敦簡素。民閑故土。力耕稼。而不急工商之利。尚

於自奉。婦人恥出門戶。金壇京口為舟車絡繹之衝。四方商賈。羣萃而錯處。轉移百

物。以通有無。舊志

● 淮安

人多輕剽。士任氣節。隋書重禮教。崇信義。闐市或雜澆僞。至於農疇。顓固極矣。地理志

士勤學問。民務農商。有淳厚之風。禮讓之俗。中都志書軌新邦。英雄舊里。宋蘇軾淮陰廟碑漸

造聖化。綽有餘風。國喜學問。從教化。雖兵革之餘。猶是心。元志淮安之俗。淳實尚義。我

管習戰。周志地大物衆。細民棄本務末。豪右亦頗崇華黜素。南畿志土沃生蕃。河患豐歉

後漢書

●揚州

土俗輕揚。六帖子疏寓無定憩。世隆揚州之俗號為繁侈。元和志地分淮海風氣清淑俗

務儒雅。士興文藝。明王儼俗尚侈靡其士多明秀俊偉。彭時俗從約而易化士循理

而多文。海陵之民惟事耕漁性多樸野。俱郡志土高而廣於水俗廊而勤於稼。高郵題名

●徐州

徐方鄒魯舊國漢興猶有餘風。杜氏通典人頗鷙悍其士子挾任節好尚賓游蓋楚風焉。

霸者之餘以武為俗。宋陳師道學記蕭風俗渾厚多智慮務農生財。晁端中沛地鄰鄒魯

務稼穡尚禮義。沛縣志沛以勇宕為俗。李蔚美政記錫邑之學弦歌方盛。元大沛地鄰鄒魯

三州民事農樂輸賦役而其俗亦淳。豐縣志齊多楚音樸直舒徐。地理志風俗高邁適

法。徐州府志上愿民樸重廉恥崇信義。

● 太倉

正統以後。太倉始立學校。仕進者輩出。文物漸盛於前。明陸容太倉氣習風類。耿拔自樹。財賦攸出。政重農官。周鳳歧弘治以後。竟名大邦。峻城深池。文學顯於天下。張溥俗尙氣節。好清議。少不檢。卽私相非笑。且安土不好遠游。無故未嘗適百里。縱商游不至經歲。舊志嘉定風氣沉厚。其君子務讀書行義。以古人爲師。王衡崇明越在海表。其土風古。其性勅。其人馴擾。舊志

● 海州

海州。古郟子國也。孔子嘗遊焉。其地密邇鄒魯。昔爲東海郡。號稱多材。海州志贛僻在海隅。人性顯樸。無機利之習。明王典閭閻殷富。人物焜煌。山川草木。潤媚而韶秀。淮平以北。稱美土焉。童杏沐漢之厚。邱治居淮朔。壤接東省。有洙泗之遺風。家詩書而戶禮樂。弦歌之聲。不絕於閭卷草野。忠義節義。時見於愚夫愚婦。沐陽志

● 通州

文采風流。衣被到今。稱爲淮南書院。舊志魚鹽之利商賈。弦歌之聲章甫亦衆。宋學記通阻江濱海。盜稀訟簡。通州志如皋水土清淑。自胡安定以經學倡率東南。閭巷秀民。皆知向學。弦誦之風。於今爲盛。如皋志

### ▲安徽

蓋聞係於水土者。謂之風。化於君上者。謂之俗。風俗與化移易。其積漸然也。古者太史陳詩。以觀民風。命市納賈。以觀民之所好惡。安徽爲東南都會。水深土厚。習尙敦麗。生其間者。詠仁蹈德。日遷善而不自知。和親康樂安平。爲一書。於以徵邳治同風之盛焉。

### ●安慶

江南之氣。躁勁厥性輕揚。晉書

人心躁勁。風氣果決。其舊風然也。自平陳後。俗尙淳質。好儉約。喪祀婚姻。率漸以禮。

隋書地理志

土壤膏沃。人性輕揚。善商賈。廩里饒富。宋史地理志

風俗清美。天性忠義。元余闕記

民勤而壤沃。俗儉而事簡。元歐陽元望江學碑

風土清美。有粳稻之饒。圖經

安慶人物忠敢。不愧於古。懷甯易。桐城達。望江懋。潛山毅。太湖諍。宿松直。大抵江北

風氣近厚。故其習高。多類中州。明胡宗績記

六皖山川美瞻。絃誦力本。其禮教信義。聞之熟矣。府志

荆楚饒勁士。吳越多秀民。皖介兩服之介。沉潛高明。蓋兼具矣。府志

●徽州

地雜甌駱。性剛強。君子務為奇節。高行而羞不義。異才閒出。宋朱子新安道院記

休甯山峭厲而水清激。故稟其氣者。性情習尚。不能不過剛而喜鬪。然其俗能以力

服而易以理勝。朱子新安道院記



自昔多以材力保障鄉土。其後寢有文士。山限壤隔。民不染他俗。勤於山伐。能寒暑。

惡衣服。

淳熙志

地隘人稠。力耕所出。不足以供。往往仰給於四方。

江南通志

大江之東。以郡名者十。而士之慕學新安爲最。新安之地。以縣名者六。而邑小士多。

以績溪爲最。

舊志

父老嘗謂新安有數種風俗。勝於他邑。千年之塚。不動一坏。千丁之家。未嘗散處。千

載之譜。絲毫不紊。主僕之嚴。雖數十世不改。而宵小不敢肆焉。

舊志

山多田少。以貨殖爲恆產。善識低昂。時取與賈之所入。視傍郡倍厚。其家居也。樸齋

而務積蓄。女人尤稱勤儉。多貞潔。

府志

家多故舊。自唐宋來。數百年。世系比比皆是。重宗義。講世好。上下六親之施。村落家

構祠宇。歲時俎豆其間。

府志

冠冕之倫。多尙氣節。矜取予。有唐風矧矧之意。

畢懋康里居四則